

<https://doi.org/10.5281/zenodo.14031089>

Rahmatova Madina Shahobiddinovna

Farg'ona davlat universiteti

filologiya fakulteti, o'zbek tili yo'nalishi

2-bosqich 23.85-guruh talabasi

Annotatsiya: *Ushbu maqolada ta'lim sifatini yaxshilash uchun taklif va mulohazalar, ta'lim tizimidagi ba'zi muammolar va ular, uchun yechimlarga to'xtalib o'tilgan.*

Kalit so'zlar: *Ta'lim, maktab, bilim, oliy ta'lim, ta'lim tizimi, o'quvchi, talaba.*

“Yangi O'zbekistonning asosiy ustuni bilim, ta'lim va tarbiya bo'ladi”⁷⁶ deya ta'kidlagan muhtaram prezidentimiz. Har bir mamlakat o'z ta'limi bilan yuksaladi. Inson yaxshi ta'lim-tarbiyaga ega bo'lar ekan, o'z yurtini, oilasini, kelajagini o'ylab ish tutadi. Yurtni yuqori marralarga erishishiga sababchi bo'ladigan ham ta'lim hisoblanadi. O'zbekiston mustaqillikka erishibdiki, yoshlarning ta'lim olishi asosiy mavzu bo'lib kelmoqda. “Biz bugun o'tish davrining qiyinchiliklariga qaramasdan, ertaga o'rnimizga keladigan yoshlar, farzandlarimiz to'g'risida o'ylashimiz, ularning ma'naviy kamoloti va jismoniy sog'ligi, millatning sog'ligi to'g'risida qayg'urishimiz kerak”, - deydi Islom Karimov.⁷⁷

Bugungi kunda, ta'lim sohasi katta e'tibor ostida. Masalan, maktab o'quvchilari uchun Temurbeklar maktabi, Prezident maktablari ochildi va bu yerda o'quvchilar yaxshi bilim olishmoqda. Oliy ta'limda ayol-qizlarning ta'lim olishi uchun ularga alohida kvotalar ajratilmoqda. O'quvchilar ma'lum fanlardan milliy sertifikatdan yetarli ballarni to'plagan holda muddatidan avval talaba bo'lish ballarini qo'lga kiritishmoqda. Magistratura bosqichi uchun ayol-qizlarga kontrakt summasi davlat tomonidan qoplab berilmoqda. Ammo, hozirda ko'pchilikning fikrichga, O'zbekiston ta'limi mukammal darajada yaxshi emas. Masalan, ba'zi maktablarda ta'limdan ko'ra davomat masalasi avvalgi o'rinlarda turadi. Bunga aslida sabab nima? Agar, shunday maktablardagi o'quvchilarning ta'limga bo'lgan qiziqishi yaxshi bo'lsa, davomat masalasi o'z-o'zidan hal bo'ladi. Ya'ni, afsuski, jamiyatda shunday insonlar borki, bolalarni, yoshlarni ta'limga bo'lgan qiziqishini so'ndirishmoqda. Masalan, bunga ko'pchilik guvoh bo'lgani aniq, ba'zi insonlar farzandiga “O'qib olim bo'larmiding?” degfan gaplarni aytishmoqda. Va shu narsa aniqki, ko'pchilik o'quvchilar shunday gaplar ta'siriga tushib qolmoqda va ta'limdan qiziqishlari ancha pasaymoqda. Avval ta'lim olmagan ota-onalar borki, farzandlari ta'lim olishidan ko'ra maishiy ishlarni, ko'proq mablag' topishni ustun ko'rishadi. Vaholangki, aynan shu ko'p mablag'ga ega

⁷⁶ <https://daryo.uz/2023/05/30/yangi-ozbekistonning-asosiy-ustuni-bilim-talim-va-tarbiya-boladi>

⁷⁷ Islom Karimov. Bunyodkorlik yo'lidan. Asarlar. 4-jild, Toshkent, "O'zbekiston", 1996-y, 181-bet.

bo'lish, maishiy muammolarning yechimi bilimga ega bo'lish bilan yechiladi. Bunday muammolarni bartaraf qilish uchun esa davlat bir qancha harakatlarni amalga oshirishni boshlagan. Ya'ni, maishiy ishlarni, mablag' ko'paytirishni ustun ko'ruvchi insonlarga ta'lim, bilim bilan barchasiga erishish mumkinligini ko'rsatib bermoqda.

Ko'pchilikda shunday fikr mavjud: "O'zbekiston ta'limi, hayoti qoniqtirmayapti, chet elga chiqishim kerak". Afsuski, bu gaplarni aytayotgan insonlarning ba'zilari yaxshi bilimga ega insonlar hisoblanadi. Agar, shunday bilimli insonlar O'zbekistonni rivojlantirishni o'ylab, chet elda erishmoqchi bo'lgan narsasini, orzu qilgan hayot tarzini shu yerda yaratishga harakat qilsa, O'zbekiston ham o'sha orzulardagi mamlakatga aylanadi.

Ba'zi universitetlarda kutubxonadan foydalanish muammolari uchrab turadi. Masalan, har bir oliy ta'lim muassasasida kutubxona mavjud, ammo u yerdagi kitoblar, darslik va qo'llanmalar yetarlicha emas. Lekin, shunday darslik va qo'llanmalar borki, ularning kitoblar mavjud emas, ularni faqat elektron shaklda topish mumkin. Buning uchun, mening fikrimcha, har bir oliy ta'lim muassasasining kutubxonalarini kengaytirgan holda, kompyuter va boshqa shu kabi boshqa yangi texnologiyalar bilan ta'minlash zarur.

Xulosa o'rnida shuni aytish mumkinki, O'zbekiston rivojlanayotgan davlatlar qatorida rivojlanmoqda. Yurtimiz rivojlanish barobarida barcha sohalar, shu jumladan, ta'lim tizimiga ham katta e'tibor qaratmoqda. Yurtimiz ta'lim tizimining rivojlanishi uchun nafaqat yurt, balki, biz talaba va o'quvchilar ham yaxshi o'qib oz hissamizni qo'shishimiz lozim.